



21554

III

Mag. St. Dr.

P

et Pomeraniae

*Podgurski Samuelis Joani Panegyricus Celissimus
nomini et amplissimo honori Stanisł. Trembecki
— consecratus.*

PANEG. et VITAE

Polon. Fol.

№ 1411.

PANEGYRICUS

CELSISSIMO NOMINI,

&

AMPLISSIMO HONORI,

ILLVSTRISSIMI

& REVERENDISSIMI DOMINI,

D. STANISLAI

à SŁUPOW

SZEMBEK,

DEI, & Sanctæ Sedis Apostolicæ Gratiâ,

EPISCOPI VLADISLAVIEN-

SIS, & POMERANIÆ,

Inter Festiva tripudiantis Poloniæ,

& Votiva gratulantis CUJAVIÆ acroamata,

Circa Solennem & Auspicatissimum

Cathedræ Vladislaviensis

INGRESSUM,

Officioso Cultu,

Nomine Academiæ Cracoviensis,

^A
M. SAMUELE JOANNE PODGURSKI,

Philosophiæ Doctore & Professore, Collega Minore, in Ecclesiâ

Archipresbyterali B. MARIÆ V. in Circulo Cracoviensi,

Pœnitentiario Radyminsciano, S. R. M. Secretario,

CONSECRATVS.

Anno Iubilei Magni 1700. Die 10. Octobr.

CRACOVIAE, Typis UNIVERSITATIS.

eeee

In Gentilitium Insigne,
Illustrissimi & Reverendissimi
PRÆSVLIS.



21. 554 III

I.

Eminet in Lechico, Ternus, Flos, Orbe, ROSARUM
SZEMBECIUS, geminis, cingitur atq; CAPRIS.
Cur sic? ut vigeat tutò, niteatq; perennè;
Cornibus erectis, Bina Capella tegit.

II.

Quantas delicias, Ovibus dabis, optime PASTOR!
Si CAPRAS Roseus, sic alit, iste cibus.



PANEGYRICUS.



Olenne est, & dudum sanctis,
per centuriata sapientum comi-
tia, sanctionibus firmatum; IL-
LUSTRISSIME, & REVERENDIS-
SIME DOMINE; Vt Magnos in
Republica Viros, quos, bea-
tum Superum germen, Heroum assistrix vir-
tus, hereditario Illustrium Aborigenum tra-
ducta censu, summarum Majestatum propi-
tius favor, & Nobilium turba Quiritium, pro
immortalibus meritis, in templo præcelso col-
locant Honoris; eos ministræ immortalitatis
Musæ, cum perennibus elogiorum fastis, ad
augendam Sacræ ac triumphalis pompæ ma-
gnificentiam, omni ex parte comitentur.
Equidem bene ac sapienter & gemmeo ipsi-
us Jovis calculo, decoro venusta senio, quia
ævo cœva, Mater Pieridum Mnemosyne,
Patribus Patriæ Tulliis, stantibus aureo in ef-
sedo Æmilianis, mitissimis contra suum no-
men Severis, delitijshumani generis Titis, pu-
blicum os populi promerentibus, & brachijs

planè gentium in Capitolium portatis Trāianis, pulcherrimum plaudentis Suadæ, ac totius Parnassi, adiunxit comitatum.

Nihil quippe dignius iustiusve, ij mortales, apud quos Phœbus non hospitem egit, censuere; quàm vt his Civibus, quorum eximia pietate, consilijs penè divinis, limatissimâ prudentiâ, sapientiâ, & Herculeo labore, cultus Divorum Indigetum auctus, templa, aræ, pulvinaria, instaurata & exornata, augusta Regni suffulta Majestas, conservata Regum & populi salus, defensâ integritas, restituta felicitas, firmatæ sacre profanæq; leges, res universæ, domi forisq; sartæ ac tectæ sunt; erudita in plausum & triumphum assurgant Numina: quorum æterna functio est, cum diserto Platonis ore, tum præpetis ministrâ famæ pennâ, præclara Heroum facinora, ab ingluvie rerum phagonis, & fatorum rapinis vindicata, superûm actis inferere. Alioquin enim publico virtutum splendori, quispiam Bavius Mæviusve nefario ausu injuriam inferret, qui ad minima suæ probitatis phenomæna, & fatuos philautiæ ignes Argus, ad meridiem verò alienorum meritorum Oedypodes, illum vel Cortinâ livioris, vel densâ silentij caligine obfuscaret. Quanquam verò

fulgur

fulgur illud & fulgor, bonarum mentium virtus, inter opaca invidentium nubila, Solem imitatur; quem nunquam ita inimica nubes texit; quin, cum nequiret orbi dare radios, non posset diem: ignem æmulatur, qui vel maximè tectus, proditur luce sua: attamen hoc beneficium fidus, augustius spargit iubar; cum in auge honoris & amoris publici versatur.

Porro ne rem sub ænigmate loqui, aut Cyrrham sollicitare videar; Præsuleus ac Senatorius Honor Tuus; ILLUSTRISSE & REVERENDISSE DOMINE, Cuius augustam ædem purpureo, quia ROSEO Virtutum & Sapientiæ ascensu, per januam ingentium meritorum triumphalem, auspiciis Divis ingrederis, totum Academum Cracium, arcano obsequij pellicit magnetismo, ut Te peculiaribus votis, exuberantibus tripudiorum affectibus, in hoc theatro gloriæ circumambire gestiat. Cum enim Sacro hoc Indulgentiarum tempore, gratiarum natali, feracior gaudiorum Autumnus, vberrimos Tibi ex Gentilitijs Floribus, tantæ Celsitudinis attulerit fructus; quidni iidem abunde recreata Pallas nostra, Coronam anni benignitatis, in festo Honoris Tui celebret? Provocat ad solennes triumphos, illecta Cœlestibus RO-

SARUM Tuarum suavijs, quarum immarcescibilem vigorem, non vulgarem genium, perennem eximij decoris purpuram, admirandas virtutes, supra Græculas, Milesias, Prænestinas, Pæstanasq; admirata & venerata, hodie per ampliores gratiarum influxus animatas, quasi novo prodigio ad autumnales Ferias reflorescere, ijsdemq; Aras Vladislavienses auspiciatò coronari medullitus congau-det. Et certè geminata paulò antè, duplicis Honoris Tiarati præludia, in quibus novam Pontificiæ perfectionis Palæstram exhibue-ras, alijs metæ fuissent triumphales, & Herculeæ Columnæ; excelso animo Tuo, & ad maxima quæq; pro Reipublicæ Christianæ integritate, gerenda, nato, ac heroicis virtuti-bus divinitus imbuto, vti angustiora hæc fu-ère Olympia; ita augustius, suprema omnium moderatrix Providentia, bravium reservavit.

Debuit nempe longiùs latiusve, tantæ vir-tutis odor diffundi; vt languidiores animæ, in quibus cælestis diminutus est vigor, illo recre-ata, per salebrosum vitæ stadium, velociori-bus decurrerent passibus, & sic in supernis E-lysijs, optatam demererentur stationem. Un-de fortunatū Vladislaviense Ovile, quod, post GODZIEMBIAM Arborem, sub cuius vm-bra in tanto malorum æstu, tutò hactenus

quievit

quievit, novum decus & præsidium, in Tu-
is ò Præsul nanciscitur ROSIS. Non marci-
dam ipsius esse lætitiā, geminata ostentant
gaudiorum documenta, dum post triumphā-
les PINI DAMBSCIANÆ ramos, nexis ex Re-
gina florum, more festivæ antiquitatis, suos
postes adornat Coronis. Felices oviculæ,
felices! quia tuti sub Matribus agni, amplius
mæstitiæ balatum non exercebitis; vt-pote
non profano gramine, sed suaveolentibus
pasti Rosetis. Si enim suam hîc invenêre Hy-
blam, illiusq; nutritæ delitijs, Oleniâ felicio-
res, Gentilitiæ CAPELLÆ, inter Cælestia signa
abire consveverint; quidni novo gratiarum
Hymetto, altum Fidelium Gregem, vigilan-
tissimus Pastor, ad beatæ æternitatis Tempe
traducere contenderit?

Et hæc quidem ex Tuo Honore Præsuleo
ac Senatorio, publicæ felicitatis & exultatio-
nis auctoramenta, è voto & decreto Sena-
tûs populiq; Academici, pro viribus cele-
brandi, pulcherrimum sanè, arduum proinde
demandatum mihi munus, PRÆSUL ILLU-
STRISIME, dum magis alacri, quàm suffici-
enti obsequio, ad auspiciata ingressûs Tui, in
Cathedram Solemnia, orbi declarare aggre-
diar, hoc à Celsitudine Tua ratum gratumq;

esse postulo, vt si amplissimam hanc provin-
ciam pro Majestate ipsius, conscius meæ im-
becillitatis, vt fas est, gerere non potero, no-
minis præcelso, virtutum & meritorum Tuo-
rum magnitudini id ipsum velis imputare.
Hoc nempe habent viri Principes, magnifi-
cum & ingens, nulla quod rapit dies, vt tum
maximum culmen gloriæ attingant, cum ex
asse laudari nequeant. Parvis igitur Numen
Tuum, nomine Iagellonicarum Musarum,
quas almo favoris & patrocinijs complecteris
sinu, placare contendo victimis, cui non suf-
ficit Hecatombe; tibiâ Clientalis voti præ-
cino, quia tubâ non possum. Si displicuerit
humilioris suadæ ingenium, placeat obsequi-
um: vt pote quia magnis animis sæpius exi-
lia placuêre.

Amplitudinem Panegyrici operis, impa-
ri conatu & ingenio exordiri volenti, ingens
cura laborq; novum quoddam Herculis Bi-
vium obtendunt; quid primò in Te Maiori-
busq; Tuis, si non percensere orando, saltem
attingere mirando expediat? Quippe dum
publico eruditorum calculo, ij duntaxat
mortales, magnitudine gestorum, & immor-
talitate nominis fastis Heroû adscribi meren-
tur; qui belli pacisq; momenta librare nôrunt,

qui vel

qui vel in Toga efficacibus consiliorum oraculis, servare Ciues, iustitiæ Asylæ fieri, legum monimenta tueri; vel in Sago fulmina belli Scipiadas, contra immanem Hostium colluviem, adversis opponendo pectora rebus, se se præstare consueverunt; meritò & ipsa nutaret Pallas, quibusnam horum, dignas texere panegyres, cui primas deferre deberet coronas. Neque enim soli Athenienses, perpetuis Sapientiæ studiis occupati, inter erudita otia, Musarum delubra, Phæbiq; templa colentes, in Areopægis, Pritaneisq; suis, velut in aliquo Deorum confessu, aurea edicta ferentes, pacis artes ac ornamenta promoventes, magnarum mentium præmium, gloriam promeruerunt: Verùm Romani quoq;, invicta Gradii soboles, homines chalybei, quibus totus Orbis, Athletica bellicæ virtutis, & amphitheatrum gloriæ extitit; dum nullis terrarum mariq; laboribus fracti, auspice ubiq; Victoria, gentes immanitate barbaras, locis infinitas, omni copiarum genere abundantes, adoriuntur, terrent, vincunt, subjugant, ac victos post terga Tyrannos, magnificis in Capitolium, deducunt triumphis, generis humani conscientiam, Jove digni renuntiantur. Fuit sua gloria Lentulis, & Cunctatoribus Fabiis,

qui in bellis gerendis, Consum Marti prætulê-
re, quibus prudens & rationabilis cunctatio,
potior inconsulto impetu, maturiores protulit
Laureas; sed non impar cessit ad oreâ, rumpen-
ti moras Cæsari, & ante annos, imperatoriam
gestanti clavam Scipioni.

Et certè, felices populos, apud quos ea-
dem Pallas negotia bellorum & studia pacis
moderatur: ubi quidquid respondet Apollo,
exequitur Mayors. Extremè enim mala sunt,
si vel Græco cultui nimium indulgentes A-
driani, propter pacis Studium, etiam partas
majorum sanguine Provincias dimittant; vel
quod sequius est, Asiatica mollicie & Sybariti-
co luxu emasculati Heliogabali, ac indomitis
passionibus Domitiani, inter continua delitê-
scentes otia, inopes consilij, manu invalidi,
ac ad motæ arundinis vmbra trepidantes, vi-
ctoriarum tamen atq; triumphorum magna-
lia, quasi Orbem difflare docti, inter opiparas
cœnas, gulæq; irritamenta buccinantes, in the-
atro bellatores, spectatores in campo, hostes
muscis, hostibus muscæ fiant: aut ex adverso,
quasi Busiride nati Manlij, ferro suo duriores,
æquali feritate hostes & filios dilanient. Ap-
page barbaricâ lanienâ infames Hannibales,
quos Eumenidum furor ad injusti belli permo-

vet tumultus, quibus magnificum spectaculum est, stagnantes tabo mortalium campos, & innocui sæpè cruoris spectare cataclysmos! qui stare aliter nequeunt, nisi gentium ruinis, qui crudelibus novercantis fortunæ delitijs, usq; ad insaniam gestiunt, qui populorum rapinis, insatiabilem Orexin, non explent, sed irritant. Nempe hujusmodi bellatores, novam in pectore Hyrcaniam circumferentes, bellum à belluis derivari, necessum esse, autumant; cum infrunitâ rabie, affectibus belluinis, & mala cupidine cæci, omnem humanitatem exuentes, nullo honesti colore, aut defendendæ Patriæ prætextu, nullo justitiæ æquitatisq; discrimine, suô plerumq; malô, & tragico exitiô, cruentum Martis negotium instaurant; atq; sic neq; se, neq; alios, dulcissimâ vitæ vsurâ in pace frui patiuntur.

Felicius profecto genus humanum fore, si inter hæc extrema, medium aliquod inveniret: tale verò saniorum Politicorum dogma suggerit; Imperia, Regna, Respublicas, vrgentibus fatis, oblucriari posse, si temperamentum quoddam ad pondus, inter belli, literarumq; studia adinventum fuerit. Si non plures Helicones, quàm Æmos, armatis suo morè, numinibus, Apollini & Marti, publico Legum sancito, summa Potestas destinaverit: si vtraq;

in Palæstra idonei Magistri, honestæ æmulati-
onis, non livoris ergò, ludos huiusmodi so-
lennes, magno Reipublicæ emolumento fide-
liter & exactè celebraverint. Si Phœbea &
Martialis Laurea simul nexæ, Heroes ornavē-
rint, si deniq; ferri & ingeniorū acies, non se
mutuis puncturis lancinent, sed publicum bo-
num tueantur. Hæc omnia priscâ ætate, fe-
licissimo juncta fuisse connubio, Historica me-
morat fides; eoq; intuitu, sanctius olim bellā
geri, quàm hodie amicitias coli, non sine justo
cordolio, evulgat Iustinus.

Porro rara hæc, cruento, quod vivimus,
an violenter trahimus, ævo, munia, corvoq;
simillimum albo, mansuetiorum Camænarum
& Gradii nexum, in Illustrissima Tua Prosa-
pia ô PRÆSUL, non vno seculo perennare,
extra paradoxum est. Præcellsa Domus SZEM-
BECIA, Romano augustius Pantheon est; in
quo cū divini Heroum vultus, virtute Phar-
rasium & Policletum agente, nobili merito-
rum cælaturâ sculpti, & ad vivum expressi vi-
suntur; tum principe loco, Pallas cum Marte,
olim discordi quâdam concordia, nunc, æter-
nô vinculô, dextras sibi porrigunt triumphā-
les. Palæstra fortitudinis ac eruditionis est; in
qua invictissimi, vtrumq; per stadium Athle-
tæ, ad bravium honorum decurrentes, cala-

mis & gladijs, ferrô & librô, robore & consilio, immortalitatem Nominis, aras & focos propugnant. Ille belli pacisq;, moderator felicissimus, innumeris animorum & armorum victorijs ac triumphis, nunquam satis celebrandus, Princeps; qui solus depulsa barbarie, fundatisq; in Orbe Christiano sumptu magnifico Lyceis, ac literatorum Collegijs, Alcides audit Gallicanus, Orbisq; inculti, & agrestium populorum Reformator, CAROLUS inquam Magnus, Imperatorum apex & Corona, vidit & basilicô probavit calculô, in Alemania, SZEMBECIOS Herôes, semper vires cum mente gessisse, dextramq; Illis & rationem simul, ad comparandas ex hostibus victorias, ad gloriosam laurearum messem, ex æquo pares, convenisse.

Quippe ab eodem Augusto, præcelssi sanguinis SZEMBECII Proauctor, GERLACUS à Schembegk, inter Saxonicas Laureas, primus Aquilgrani ROSAS, quas proprii Sanguinis murice tinxit, in tesseram Nobilitatis sortitus, plurimis Equitum, Privilegijs, gratijs, favoribus, auctus cumulatusq;, felicem Roseti sui plantationem, usq; ad HENRICUM VII. provexit. Et certè, grandem hîc per quinq; seculorum Myriades texere liceret, in succrescētibus benemeritæ posteritatis Chro-

nologiam, nisi vox Maiestatis, pro me pro-
rans, Cognominem suum HENRICUM SZEM-
BEK, Præclari Sanguinis & virtutis Heredem,
Prædecessoribus suis, Atavis, Proavis, Avis
cum sua Posteritate titulo & armis, ac milita-
ribus ornamentis * ex longo insignitum, ac de
speciali munificentia Augustissimorum Impe-
ratorum Romanorum, annos ante quingen-
tos, dotatum, & potissimum contra Rupre-
chtum Regem Apuliæ, pro amplitudine Im-
perij coronandoq; electo Cæsare, ad Urbem
Orbis Principem, decertantem, publico di-
plomate enuntians, vastam hanc Iliadem, nu-
cleo conclusisset. Hic certè bellator & Gale-
atorum Præfectus, in expeditione Gallica,
negotijs Bellonæ nulli æquiparandus, Sangui-
nem & vitam, Cælo, pro Patria, quæ omni-
um charitates complexa est, litare, inter pri-
ma vota reposuit. Nulla eum tacebit ætas,
sed buccinabit testis veritatis Historia, Hero-
ici animi documenta, ad Cressiacum, publico
invictæ fortitudinis exemplo, demonstrata.

Occubuit ille, sive hostilis violentiæ impe-
tu, sive triumphalium Laurearum ac trophæ-
orum pondere onustus, vt culmen Romani
Imperij altiùs surrexisset. Felicius tamen bu-
stus istius Herculis, ex quo novus ad bella

* Henricus VII. Romanorum Imper. in Diplom. VIII. Calend. Febru: A. D. 1313.

& victorias, excitatus est Phænicensis FRI-
DERICUS SZEMBEK: cui virtus & fortuna,
concentratis Principum favoribus, tantum fe-
cêre applausum, vt CAROLUS IV. Romano-
rum Augustus, iustissimus meritorum æstima-
tor, amplioribus ex publico thesauro stipen-
dijs, Heroicos ipsius labores coronaret. O-
ptimi nempe Principis, magnificum existima-
vit esse munus, liberalissimus Imperator, aure-
os Viros, aureis cum Augusto detinere cate-
nis. Atq; hîc mihi ingentem principalis mu-
nificentia, & gloriæ immortalis, aquæductum,
in SZEMBECIAS ROSAS longè, lateq; desuper
effusum, ac subinde novo dexteritatis vigore,
meritorum incrementis, honorum auctora-
mentis, excrescentem, per varias Europæ Pro-
vincias, illarum amplitudinem, periodicis, li-
cet marcentis in tanto splendore, eloquij, can-
cellis, comprehendere cogitanti, illud planè
evenit, quod Cosmographis, vastissimos Cæ-
lorum Terrarumq; ambitus, Orbemq; vni-
versum, brevibus lineamentis, in exili tabu-
la ostendantibus, solenne est. Nempe inclyta
SZEMBECIORUM Progenies, longo censa
Sanguine, quoddam compendium virtutis, &
Avitæ excellentiæ, exhibuit in PETRO: quen-
cum Sanctissimum generis humani bonum, fi-
des, erga Principes, illibato candore servata,

tum salus, integritas, & vita Augustissimi olim
MAXIMILIANI I. Imperatoris Romanorum, à
præsentissimo ingruentis fati periculo defen-
sa, posteris sæculis commendant. Solennes
hic Cæsar, in Comitatu Tirolensi venationis
damarum & Ibicum, celebraverat ludos; ast
feriū, insolentes vitæ humanæ focij casus, sum-
mis Nominibus sæpius infesti, obtrudentes ne-
gotium, funestam Libitinæ prædam parabant;
nisi eis se velut Marpesiam caudem, cautissi-
mus & fortissimus Heros PETRUS opposuisset.
Auctum tunc Gentilitium Insigne additis ad
ROSASCAPELLIS, ampliata, novis in eodẽ Co-
mitatu fortunis, æstimatissimi Viri prudentia,
dexteritas, fides, & amor, laudata oraculis Ma-
jestatis, & cumulata ampliore proventu meri-
ta, ad magna honorum culmina etiam incly-
tum Filiorum quaternionem, PETRUM, HEN-
RICUM, EDVARDUM, & BARTHOLOMÆUM,
Principum semper annuente favore, promo-
vissent; nisi hi pulcherrimi ROSARUM Sur-
culi, in alias terras transplantati, fragrantissi-
mum famæ odorem, elegantissimam Aviti
Sanguinis purpuram, & virtutes à summis qui-
busq; viris æstimandas diffundere maluissent.
Porro, cū tenuerit HENRICUM Tirolis;
PETRVM pellexerit Prussia; EDVARDO,
& BARTHOLOMEO arriserit Marchia; fe-

licior extitit Polonia, quæ sub Serenissimo SIGISMUNDO AUGUSTO I. incomparabilis prudentiæ & clementiæ Monarcha, cum amplissimo Avitæ gloriæ, & Martialiū meritorum censu, non tantum Nominis, sed virtutis quoq; heredem BARTHOLOMÆUM SZEMBEK, superioris Filium, ad peculiarem etiam vicinorum Principum, maximè verò Illustrissimorū ALBERTI, & FRIDERICI, Marchionum Brandenburgensium, ac in Prussia, Stetini, Pomeraniæq; Ducum, commendationem, inter Indigenas Regni, Sarmaticosq; Bellerophontes, cooptavit. Sic Laureatis Sarmatiæ campis, implantatæ ROSÆ, felicius per NICOLAVM, STANISLAUM, & IOANNEM, impensis pro Republica laboribus propagatæ, Regibus, & Proceribus, in delicias abiêre. Innatum quidem illis est, inter laureas & palmas crevisse triumphales; cæterum fæcundius Polonæ Libertatis Solum, in quo non dentata Cadmi sementis, sed Civicis, Muralibus, Obsidionalibus, Castrésibus ornati Coronis, concordēs animis nascuntur Heroes, qui plures Thebas, centum triumphalibus portis magnificas, aut condunt, aut tuentur; Ipsarum indoli & genio arrisêre. Fuerint enim alibi indulgentiores soles, quorum sæpè immoderatis influentijs, sublimiores Cedri, in immensum

crescentes, minoribus arbutis, foliorum amplitudine, & nimia proceritate, importunam umbram facientes, lucem auferunt; vel avaris radicibus, totum honorum succum absumunt; in triumphalibus Poloniae aruis, quæ dudum aurea Libertas, paritatis culturâ, usque ad invidiam gentium excoluit, ita uniuscuiusque virtuti crescere concessum est; ut æqualitatis mensuram, nulla potentia, nullus livor valeat impedire.

Hic jam assurgimus Nomini Tuo, ô Augusta Heroum Mater Polonia! non verborum & calamistratæ loquacitatis apparatu, sed novâ quâdam incredibilis gaudij eloquentiâ, & affectuum exultantium copiâ, novum Tibi decus, & tutamen ex SZEMBECIJS ROSIS gratulantes. Habent quoque & Illæ, cum nativo dibapho, quem non semel hostilis purpuravit cruor, densum aculeorum satellitium; quod non tantum rapaces hostium manus, faucesque insatiabiles, ad internecionem vulneret; sed etiam contra centimanos, huiusmodi spicula, vibret Briareos. Certè enim inter hæc amænissima nati Rosaria SZEMBECHII Heroes, HIERONYMVS, & ALEXANDER, non delicatulos Smyndirides, verum invictissimos se præstiterunt Scipiones. Semel duntaxat rosis coronatus cum sua Legione Capito-

hum

lium est ingressus. Amilianus, & pro vna victoria, Reginam Florum, suæ fortitudinis tesseram, in clypeis prætulit: at ista duo fulmina belli, Sarmatici Scipiadae, in Moldavicis, Moschoviticiis, Sudermanicis expeditionibus, invicti Bellatores, vti plures Carthagines & Numantias nacti, ita etiam plura trophæa & insignia suæ dexteritatis, meruere. Si Hercules, velut Deum quendam alterum, primumq; & maximum Parentem vocitabat Patriam; hi factò testati sunt: dum pro ipsius propugnandis, conservandis, ampliandisq; finibus, nullum finem bellicis laboribus posuerint: & inæstimabile bonum libertatē, Sparthano more, non mænibus, sed manibus & pectoribus tuerentur. Vidit hos geminos Tyndaridas Sanguine & animo fratres, novos in Polonia Nilum & Euryalū, pro Illo Nostro, contra novos Danaos, inter armatas acies, vitæ fortisq; prodigos, velut sacro quodam amoris æstro percitos; vidit inquam & non semel victricibus ornavit Laureis, ille Sarmaticus Hector, Ductorum gloriæ, Magnus ZAMOYSCIUS: Hastæ ipsius triumphales, innumeris onustæ trophæis, etiam SZEMBECIORUM ROSAS in coronamentum sibi adscivere. Sudermanicorum Domitor Leonum CHOD-

KIEVIUS, tantum gloriæ tribuit SZEMBE-
CIÆ virtuti, quantum invidia ipsius trium-
phis, Cymmerij Bubones.

Verum dum super hanc præclaram gestorum
seriem & SZEMBECIÆ fortitudinis glori-
am, quodam Sacro stupore defixus hæreo; me
tacente, vocalis Famæ, heroicum quoddam
idioma, audire mihi videor; quo invictum
Hieronimi alloquitur animum: Te (inquit) per
sacros obtestor Sarmatice Nise, Penates; ne
fuliginosum magnorum Bellatorum Sarco-
phagum, Tarpeiô Saxô funestius Smolen-
scum, querulâ voce execreris, neve mæstissi-
mis Nænijs æthera pulses: *Euryale infelix quate Re-
gione requiram.* Infelicem enim fratrem, pro felici-
tate Patriæ occumbentem, dicere piaculum
est; qui Phœnicis more, in æstu Martiali, ex
pulvere non indecoro in ævum interminabi-
le renatus, ampliolem nactus est Provinciam.
Quippe jam illud extra somnium Scipionis
verum est; illis qui Patriam adiuverint, defen-
derint, auxerint, peculiarem in cælo locum
assignari. Perenne negotium pro Republica
gessit, perennitatis igitur participem, & quasi
hactenus anhelô Spiritu, victoriam perse-
quentem, boni Superi immortalitate donâ-
runt. Non interpolata vllis temporum spa-

tijis, Ipsius mihi heroica exstant facinora, imo
videre mihi videor, illustre spectaculū: Consi-
stunt ex adverso armatae acies, in perniciē mu-
tuam; concurrunt equi equis, virisq; viri, fra-
ctae concrepant sarissae, vibrati fibilant enses,
percussae tinniunt galeae, hinc adhortantium,
inde gementium voces permiscentur. Perflu-
unt aut sudore, aut sanguine obstinatorum
militum artus, caesi & semineces belluarum
protriti vestigijs, ne cadaverum quidem ser-
vant formas; Parricida gladius, huic caput
demetit, illi manum aufert, illi scrutatur vi-
scera: fremunt & reboant lethalibus flammis,
novitia mortis instrumenta, funesta munera,
missilis plumbi grandinem, mutuò sibi ar-
mati remittunt cunei. Ad tam diram Cata-
strophen, parvo animo Theagenes, etiam
cum Hecates simulacro, tanquam ad Medu-
sæum caput, præ timore in saxum riguissent:
at Frater Tuus ALEXANDER, animi forti-
tudine, Macedonico non impar, inter hæc Bel-
lonæ tonitrua, ruit intrepidus, cum sua centu-
ria, centum palmis dignissimus & Laureis.
Non diu secum deliberavit, cederene an ca-
dere maluisset? quia gloriosa virtutis per-
tinacia, primam post æternum, publici bo-
ni curam, alto pectore complectens, ac lan-

guidiorem, ex mora amorem arguens, hanc vitalem mortem oppetere cōēgit. Ne Patria supremis laboraret; laboribus bellicis immori elegit; optimè persuasus, sic amissam vitam non amitti, sed novâ quadam pactione, cum fatis constituta, in censum perennantis gloriæ locari. Est enim opulentum ex funere fænus Heroibus; qui privatorum incurij, & eorum, quæ propriam cuticulam saginant, omnino negligentes, inter dura & aspera, publici obsequij incommoda, ut potè more apum, in commune geniti; omnes conatuum suorum vires elocant, ut impendijs virtutum ingentia immortalitatis compendia, laudabili sanè quæstu, licitentur. Ad occiduum igitur vitæ Solem, ex mortalitatis umbra, metire magnitudinē ALEXANDRI, & sub hoc Libitinæ nubilo, quod non infuscat, sed illustrat capaces gloriæ Spiritus, æternum virtutis diluculum, imò accensum meritorum meridiem intuere.

Erit tempus, post pauculas aristas, quo Tu victoriarū sodes, & dimidium animæ ALEXANDRI, germanæ virtutis passu, supernum conscendens Capitolium, ingentes Ipsius Manes, æternū virentibus Laureis redimitos, inter Arcuum triumphalium, trophæorumq;

orumq; augustas moles, incedentem spectabis.
Byzantinus, Tauricanus, Moschoviticus, Tri-
umphator, invictissimus SIGISMUNDUS
III. Poloniarum Regnator, idem votum de
Ipso protulit; exploratum habens, fortibus
viris, tum demum magnificentiores à suprema
Majestate populoq; Cælesti, decerni triūphos,
dum in terris, tunc vincere, cum vivere desie-
rint. Transcendere enim atrocis fati limina,
ac inter prodigia stellantis Olympi locari, le-
ge Heroica, non aliter Alcidaë licuit; nisi per
densas, edomitorum monstrorum, exuvias,
& agglomeratos cumulos trophæorū. Quod
si fraternos singultus, nec tantum immortalis
gloriæ bonum, lenire poterit; addicti sacrae
militiæ Theosophi, FRIDERICVS & SI-
GISMVNDVS, eâ quâ desuper dotati sunt,
ratiocinandi prudentiâ, & pondere rationum,
quas Illis, melior ex sua cortina suggestit Phæ-
bus, justo persuadeant dolori, avulso hoc vno
SZEMBECIJ ROSARII Surculo, in se, &
GABRIELE, STANISLAO, CHRISTO-
PHORO, PAVLO, & ALEXANDRO Bur-
grabio Cracoviensi, quorum indolem & fi-
dem intemeratam, erga Serenissimas Majesta-
tes, Magni Reges, SIGISMVNDVS &
VLADISLAVS, in præcipuis Aulæ officijs,

curandisq; Regalibus thesauris, ac proventibus, probavêre, deficere non posse.

Hactenus immortalis gloriæ stylus, Togatis Sagatisq; negotijs, expedita à Magnis Prædecessoribus Tuis, ad magnos honores evolvit præludia ô PRÆSVL! Hactenus Illi, inter varias temporum fortunæq; vices, domi subsidium, foris ornamentum præstando, ingentibus, per amplissima virtutum & meritum stadia, cucurrerunt passibus; vt non vestigia tantum, & lampada, sed bravium quoq; Posteris relinquerêt. Sive hostium sanguine rubuerint, sive candore consiliorum gemmaverint; sponte tamen utrobiq; Candidati duntaxat esse voluerunt; ut Tribulibus, maiores minoresq; Curules dignitatum, publicorumq; officiorum munera, perpetuô quodam Reipublicæ votô decernendâ, ominarentur.

Primus mihi cor animumq; occupat, in memoriam recurrit, & quasi obtutui se obijcit, vt pote, tot virtutibus post fata superstes, illustrissimus & Magnus Dominus, FRANCISCVS in Slupow SZEMBEK, Castellanus Camenecensis, PARENS Tuus, desideratissimus, Senator, non recordatione tantum, sed imitatione dignissimus: Verum neq; ego de ipso tantum, quantum sua merita deposcunt

dicere

dicere possum, neq; Tu, ô PRÆSVL! tanto bono orbatus, ad innovandum, in festo honoris Tui, in die lætitiæ cordis Tui, infandum dolorem lubens audire. Porro cum tanti Civis Senatorisq; genium, virtutes, merita, actionesq;, ab heroico illo animo, secundum Moralis, Civilisq; prudentiæ regulas ordinatas, jam dudum altiori mente vultem, citra emphaticos oratorum spiritus, citra omnem perorandi licentiam, quâ sæpè tenuissima, in immensum extenduntur; vota duntaxat ingemino: vtinam plures, tam integri, tam omnium virtutum participes, Poloniæ Senatores, Civesq; nascerentur! res integra foret, sacer ille communis boni amor, quo nihil Reipublicæ salubrius, nihil sanctius, nihil carius, aureum Ordinum vinculum concordia, plures quàm Romæ ædes ac delubra sortirētur. Quid enim iste Cato non eximium, non laudabile gessit? Exoticos lustravit soles, non quia Poloniæ polus, non habet proprium Phœbum, quo sui indigenæ incalescāt; & quo Ipse in Jagellonico optimè fuerat excoctus Helicone; sed quia bono Civi, Consiliario, & Senatori, apprimè necessaria est, multarū rerum cognitio, Regnorum ac Rerum publicarū Status, leges, cōsuetudines, non primis (vt aiunt) labris degustandæ: vt peregrinando talibus instru-

ctus, optimi Patricij animus, finè calliditate calleat, quid cum domesticis, quid cum exoticis tractare, quid vtrifq; respondere teneatur.

Redux ab exteris, opibus ingenij, quas in umbris Lyceorum congefferat, opulentus, eas in publica luce, in vſus communes, in tutelam Auguſtæ Virginis, Libertatis, erogabat. Ab hoc Feciali, ad publica Regni toties ordinato Comitia, nihil audire licuit; niſi quod vellet illud, etiam cum discrimine vitæ ac fortunarum, chariſſimæ Matri Patriæ præſtare; quod olim Romæ Tullius aut optavit, aut præſtitit. Ruiſſe olim Cauſas etiam ſub Cecropia Themide, juſtumq; Ariſtidem, exilio mulctari, aut Socratem damnari ad cicutam, produnt veterum monumenta; juſtior in Areopago Polono SZEMBE CIVS, tam firmâ dexterâ lancem iuſtitix tenuit; vt neutram in partem, Doricæ Muſæ libraretur pondere: Flexanimis eſſe noluit; niſi quò lex æquitasq; inclinabant. Nulla alijs familiarior Toga, quâ candida; hanc nunquam deponentes, per Curriata Centuriataq; Comitia, potentiâ & multitudinem amicorum fulti, currere, miro & efficaci ſtudio, ſingulos prehendere, obviaſq; manus dare, ſalutare, & omnibus arridere, Suffragatores, Duces atq; Aſſertores, qui alijs

competitoribus invidiam, sibiq; studia hominum favoremq; conciliare possint, quærere assolent: Hoc tamen infandum Cacoethes, fascinus non bene sibi consciæ mentis, livoris, odiorumq; seminarium, licet nunquam Regiam modestiæ, ac verecundiæ animum Dulcissimi Genitoris Tui, invaserit, ô PRÆSUL! illa tamen Encyclopœdia virtutum, ille masculus, ad ardua Reipublicæ rite peragenda negotia, gerendaq; publica officia vigor, illud intractum in eventu vtriusq; fortunæ, robur, & haud molles in perferendis pro communi laboribus artus, illud capacissimum servandi arcana, depromendi consilia, consulta statutaq; exequendi pectus, æstimatores suos, non quærendo, invenêre. Præfectura Becensis, vltroneo favore desuper collata, altioribus, prælusit honoribus; non vt Magistratûs auspicijs, virum monstrâset, cuius mentis integerrimæ nitidissima crySTALLUS, iam omnibus abundè transparebat; verùm vt Submontanæ Astrææ solium, sub Iudice tanto, cuius animi celsitudo contermina cælo fuerat, sanctiora daturû edicta, in editiorem quasi, Iustitiæ collem surrexisset. Te verò Stator rerum Poloniarum, Tauricæ Terror, Fulmen Orientis, triumphatorum Triumphator, Maxime olim

Regum JOANNES III. pro immortalibus
in totam Christianitatem meritis, in sinu Gra-
tiarum, in folio Gloriæ collocatum, æternis
Superi decorent Triumphis, & mille coronent
Laureis; qui in Distributiva justitia Argus,
opportunas & necessarias bono publico æsti-
matissimi Becensis Gubernatoris virtutes, pri-
mò in Sanocensem; ac deinde mox in Came-
necensem Curulem sublimâsti. Quippe cum
ante Senatum Ille, vultûs majestate, Statûs
peritiâ, rerum experienciâ, legum Divina-
rum, humanarumq; scientiâ, & observatione,
in factis dictisq; veritate, passionum stupen-
da moderatione, prudentia zelo promovendi
boni publici, effigiem boni Senatoris domi
forisq; gesserit in cuius pectore tanquam, in
âureo scrinio, consiliorum arcanorumq; inæ-
stimabiles gemmæ, non facilè in aprico scien-
tiæ popularis, ostentandæ securius deponi &
servari poterant? Talem certè ille Senatorem
egit, qualem vetus sapientia effigiavit: auctor
nempe fuit sententiarum Reipublicæ con-
ducibilium, etiamsi parùm jucundæ auditu
fuerint, & alijs in Concione adulationes relin-
quendo, contentus rebus vtilibus, increpans,
admonens, castigans, non arrogantem in-
insanamq;, sed sobriam libertatem proferens:

At mihi

At mihi quidem, hanc virtutum admirāti Co-
ronam; vel vnica Pietas, velut gemma inæsti-
mabilis, nitore insolito, everberat animi pu-
pillam; quā magnus Senator in Deum Divosq;
effusissimus, planè seipsum excessit. Ingressit
alto pectori tanti Mecænatis, hunc piæ Libe-
ralitatis, & Magnificentiae Genium, Ortho-
doxa, quam à Maioribus acceptam, ingenti-
bus rectefactorum momentis, auxit & ampli-
ficavit, Religio, vt proscripto luxu, in Myſta-
rum Collegia pauperum cætus, potissimùm
Seraphicam Familiam, ſtruendas ac ornandas
Sanctorum Indigetum Aedes, totam pænè
quam legum periti, alterum sanguinem vo-
cant, profuderit substantiam.

Prostant visenda Posteritati tantæ pietatis &
liberalitatis monumenta, Cracoviæ & Ziele-
nicijs: Illic, Augustissima Cœlorū Imperatrix
DEIPARA VIRGO, hîc solio Virginis, assi-
stens Virgo, Intelligentia terrestris, CASIMI-
RUS, suis Templis & Aris, magnificè ædifica-
tis, debito cultu, respectivè coluntur, lau-
dantur, honorantur. Sic Cœlestibus Lilijs, illi-
gatus manipulus ROSARVM, auxit odorem
suavitatis: Spinās jam amisisse, præ bonitate, &
innocentiâ, Illas dixeris; dum taliter sui pro-
digæ, communes in vsus abierint.

Quo exemplo, velut quâdam censurâ, & rigidâ crisi, quomodo fastum seculi perstinxit, liceat attendere. Attollunt hodie quoq; ostenta sui luxûs, inanis gloriæ vento, temulenti, Nerones; extendunt aurata, in Palatijs laquearia; Cœlum in terra fingunt, Ioves fictiles; stillant opobalsama mensæ; sub thyrso ovant Bassareus; æther volucris, Oceanus piscibus, sylvæ & telqua feris, terra iumentis, orbata: at in Divorum Templis horridus undiq; squalor, & semirutis stant mœnia tectis; ac egestate lordidâ pressi ne dicâ oppressi sacri Flamines, flamine arundinum instar agitantur. Congeruntur à Pompeijs ingentes marmorum saxorumq; moles, vt surgant ad ludos insolentes, Amphitheatra, Circi, Septizonia, vanissima oculorum spectacula, voragini temporis vasta materies: at qui in publica gentium sese mutuis bellorum Cladibus, interimentum laniena, ad placanda Numina, templum Pacis cû Vespasiano; vel Pantheō cum Agrippa, magnificè ædificari iubeat procuretvè; paucos non Roma solùm, sed Orbis totus numeravit.

Suspexerat iam dudum, has præcellas in Eo virtutes, emeritissima hoc in Regno nongentis & amplius seculorum lustris, O D R O W A S I O R U M Profapia; & quæ cum Christiana

Principe DAMBROWKA, MIECISLAO
Primo, & toti Poloniae, Christum, Fidem, sa-
lutem, attulisse perhibetur: quæ post trans-
missos à se in Cœlum Accolas, inter sacros
Orthodoxæ Lechiæ Indigetes & Patronos,
grande Decus Columneq; rerum nostrarum,
edidit ac educavit D. HYACINTHVM; Ea-
dem SZEMBECIAM, auctura pietatem, Il-
lustris Connubij felices accenderat tædas: fe-
lices inquam, ex quibus Vestalibus sanctiores
Ignes, flammæq; cælestes, super altaria veri
Numinis ardent & lucent.

Verum Paphiæ olim, non bellè sacratas,
apud superstitiosam antiquitatem, rosas, quis
in castiorem congestas fasciculum, Novæ Pal-
ladi, quia SOPHIÆ ODROWASIÆ, Illu-
strissimæ & Lectissimæ olim Nymphæ, ex qua
sapientissimus, in communem vivendi auram,
cum præclaro Fratrum Ternione, prodijsti Fi-
lius, ô PRÆSVL! quis (inquam) dicavit?
Nonne Illustrissimus & Magnus JOAN-
NES ODROWAS PIENIAZEK, Palatinus
Siradiensis, Avunculus Tuus? Ille nempe Pa-
latinus, in cuius invicto pectore, Minerva &
Bellona, ex æquo triumphant: Ille Palatinus,
qui ore & calamo, Consum, arcu & SAGIT-
TA, acinace & hastâ, Achillem, utroq; asser-

torem libertatis Camillum, in exemplum Posteris, se præstitit: Ille Palatinus, qui Cosaticis, Othomanicis, Scythicis, Sveticis, Transylvanicis, Moschoviticis, bellis, quâdam coniuratione factorum, vno seculo in Poloniam concentratis, adeo pugnandi pro aris focisq; Patrijs avidus, vincendi pervicax, vt pedẽ, non semel laureas adversi Martis calcantem, tunc impetu & violentiâ hostium pressus, amittere; quam eum in fugam vertere maluissent: Ille Palatinus, cuius tenacem, laudandi propositi animum, ab oraculis veritatis dicendæ in Senatu; à puniendis iuxta iuris & æqui præscriptum sceleribus, dum Arbitrũ & Mareschallum ageret in Tribunali, nulla precum, nulla pretij, nulla respectum vis, aut ratio Sanguinis, poterat dimovere.

Porro ODROWASIAE SAGITTÆ felicissimum impetum secutus WIELOPOLSCIANVS SONIPES, proximo sanè Cognationis Gradu, cum Illustrissimo olim & Magnifico JOANNE WIELOPOLSKI, Palatino Cracoviensi, intravit Avitæ Domus Tuæ Atria, ô PRÆSVL! & is qui fortunam Regni vexit, feliciter cum Deposito virtutum inæstimabili, ad Castellanas Genitoris Tui dulcissimi Ædes, triumphales fixerat passus.

Ne verò

Ne verò adhuc quidpiam ad purpureà RO-
SARVM SZEMBECIARVM deesse videre-
tur decora; Polonicus Hermus & Pactolus
SRZENIAVA, totis alveis, aureos merito-
rum fluctus, & gemmeos latices virtutum, in
Illas devolvit. Abite iam candidis cum cala-
this & commētitia cerussa fabulosa Najadum
Nomina! ex Flumine SRZENIAVIO, vtraq;
venustate speciosior, ad SZEMBECIUM
Pæstū, prodiit RVPNIOWSCIA Deiopæa,
quæ incredibili mentis constantiâ, verecun-
dia, prudentiâ penè masculâ, inter vanissimas
seculi pompas, moderato cultu, assiduo oran-
di studio, profusis ad sublevandas indigenti-
um ærumnas beneficijs, & omnium virtutum
ornamentis, hunc nimirum solum mundum
muliebrem, carò sibi constare enuntiâns, ac
inde veteris nostriq; ævi Heroïdes, si non su-
pergressa, certè paribus vestigijs assecuta, Dei
ope singulari, tot in ROSETO hoc, Ecclesiæ,
Patriæ, Familiæ, sibi, in coronamentum flos-
culos collegit & colligavit.

Verùm in hac floridissima ex vtraq; Hero-
ïde, magno Divinæ benedictionis documen-
to, nexa Illustrium Fratrum Corona, princi-
pem mihi Locum hîc occupas, Illustrissime &
Magnifice Domine, PRÆCLAE STEPHA-

NE SZEMBEK, Castellane Woynicensis.
At verò in celebrandis Heroum facinoribus,
cùm summis etiam ingenijs, hæsitare vsitatum
sit; & non vnum Maronem arma virosq; ca-
nentem, suus quandoq; deficiat Enthusiasmus;
ego quoq; statim in limine, laudum Tuarum,
tanquam Lugdunensem Rhetor dicturus ad
aram, hæreo; dùm tantis virtutum & merito-
rum Tuorum splendoribus; obscurentur Ora-
toria lumina, & cancellos periodicos, effugi-
at; ingentium operum amplitudo. Ex utroq;
olim Cæsar, grandem sibi Romæ texuit pa-
negyrim, ipse sui Nominis præco; Tu quan-
tùm sapientissimis Consilijs, & invictâ animi
fortitudine emineas, totum Orbem Polonum
habes Oratorem. Transactâ in literario Pal-
ladis Craciæ ludo, circa seria bonarum disci-
plinarum negotia, non cum ludicris & otiosis
adolescentiâ, asperioribus Bellonæ studijs, vi-
ctorem animum exercuisti, vt ex utroq; Cam-
po Laureas triumphales legere didicisses. Ma-
gnum tandem JOANNEM ad Chotimense,
& Viennense bella, quibus graviora vix vs-
piam suspexit Orbis, tanquam Ephestio suum
Alexandrum secutus, laborum ac victoria-
rum particeps, factis immortalibus, fastos se-
culorum impleuisti.

Legent posterī, quomodo ut occiduus fieret Oriens, ut Othomanica Cynthia, post ereptos tot gentium Regnorumq; splendores, superbo tumens Plenilunio, tandem funestissimo suo decreveret fato, ac memorandis ævo cladibus, ad tenebras damnaretur; etiam Tuis viribus & consilijs laboratum est: quomodo exitiales sibi SZEMBECIAS ROSAS, obscurissimi agnoverint scarabei.

Post huiusmodi Castrenses, & Obsidionales, iam Te Civicis, amplissima Magnorum Procerum suffragia, haud precario favore, cumulant & redimunt Coronis, ut pote bello & pace servare Cives enitentem. Quippe siue Tribunū Plebis, in Generalibus Regni Comitij, siue Prætorem in Tribunalibus egeris; Reipublicæ salutem tueri, securitatem providere, incrementa gloriæ & emolumentorū ipsius promoverē, innocentibus, sacra justitiæ Adyta pandere, fontibus, & omnia pro libidine sua tentantibus, minimè indulgere, à sacrosanctis Legum tabulis, æquitatisq; orbita, nec vnguem recedere, omnibus Te virum quadratum, & sine ruga, benignum, affabilem, sincerum, integrum, æquanimem præstare consuevisti. Quid cum suffragantibus tot meritis, Patribus Conscriptis, Divino pænè Ma-

gni JOANNIS calculo adscriptus fueris, sententiamq; , quam vel Colophon probaret, pro servanda Orthodoxa Religione, à Majoribus nostris sacrosanctè culta, pro immunitatibus Ecclesiasticis, quibus violatis, fundamenta magnorum Imperiorum subruta sunt; pro juribus æqualitatis, sine abusu conservandis, pro Libertate deniq; , tot sanguinis diluvijs comparata, vt pupilla oculi custodienda, è Curuli, tuleris; nonne eorum omnium, quos æquus Iupiter amavit, oculos, ora, vultus, animos, in Te convertisti? nonne omnium amores complexus es?

Verùm mihi ad alia properanti, ille candor Fidei publicæ, à Te, Felicitatis Polonæ Instauratori, Pacis desideratissimæ, cum Othomanica Porta, Aulpici & Statori, avulsarum Provinciarum Restitutori, possessarum Propugnatori, & Servatori, hostium Terrori Serenissimo ac Invictissimo AUGUSTO II. Regi Poloniarum, Nato DUCI Saxonix & Electori, illâ dissentientium animorum tempestate, & hætenus intaminatè servatus, Columnas ponit terminales. Multi discordias Civium, dissidia & disordinem Ordinum, & quemadmodum Cato agebat; oppositiunculas, inter Magnates, si non ipsi seminare, certè ab alijs

semina-

feminatas & in perniciem Reipublicæ succrescentes, non impedire, imò lubenter tolerare, volupe habent; ut sic ex communi infortunio, fortunam suam augeant. Cum Burrho Taciti, mærentes sunt, ac laudantes, utq; rarò fortâsse verè, sic parum vtiliter, ad præsens certamen respondent. Tiberianis artibus instructissimi, nunc verba plerumq; obscura, suspensa, nunc eluctantia, nunc in speciem faventium, aut vituperantium ac reculantium composita ingeminant, orationemq;, juxta Comicum, intortam, amphibij, & Chamalæontis instar, omnium colorum capaces præter candidum, inuestigabili simulatione, cerussatam, ignorantium auribus ingerunt. Apud huiusmodi leves & instabiles Vertumnos, Plebeium & algâ vilius bonum censetur esse Fides, quàm nihil præstantius, nihil pretiosius in pectoribus mortaliū, aut reperiri, aut optari potest.

Atqui Tu Senator Illustrissime, ex quo semel dignas Sceptro manus, quia triumphales, dignum aureo Diademate caput, quia galeâ pressum, & præludentibus Laureis bellicis redimitum, dignos Lechico Paludamento, Invictissimi PRINCIPIS lacertos, ut pote lorica & thorace attritos, in Campo Electorali cum maiori amplissimorum Ordinum parte

cenfuiſti; ita excelſum Cœlorumq; æmulum,
quia vniformem animum, vſq; ad capeſſenda
Regni Inſignia, auſpicatiſſimam Inaugurati-
onem, & conciliandas reliquorum Procerum
mentes conſervâſti. Cui igitur tutiùs com-
mitti debuerunt abſente tunc Maieſtate, Me-
tropolis, exercitus, & Theſauri Regales, quàm
Tibi? cuius dexteritas, conſtantia & intami-
natæ fidei Sacramentum, tam manifeſtis ex-
plorata ſunt documentis:

Atq; hîc, per ROSEAM SZEMBECIÆ
gloriæ Hesperiam, non obſtantibus quibuf-
vis Aquilonum furijs, nullo non tempore, me-
ritorum amænitate ridentem, ſpatianti Sva-
dæ, & curioſiorem dextrâ lævâq; vibranti pu-
pupillam, nova quædam in Sacro Vavelli
monte exhibetur apparitio Michaelis. Verùm
quid? reſne? an ficta rei imago eludit obtu-
tum? minimè: Olim, paulò minus ab Intelli-
gentijs, diminuti mortales, hodie ipſiſmet
pares, quando cœleſtem in terris, Angelicam
inter homines ducunt vitam. Hæc Divinæ
gratiæ metamorphoſis, mirabili virtutum ar-
tificio, in Te locum obtinet, Perilluſtris & Re-
verendiſſime Domine, MICHAEL SZEM-
BEK, Canonice Cracoviensis. Ebur men-
tis niuæ, ſudum & perpetua animi malatia,

ROSEVS innocentiae decor, medulla probatae prudentiae, Divinarum humanarumq; literarum, sublimior notitia, vita Aristarchi virgulam non metuens, Te quodammodo supra humana evexerunt. Addit, grande tantis virtutibus momentum, sacra Themidis statera, quâ in summis Regni Areopagis, more Tui Tutelaris, tam felici libramine, in discutendis causarum meritis, veritatem & severitatem, clementiam & iustitiam temperasti; ut adaequatum pondus, sine excessu aut defectu, habere viderentur.

Sequeris & certè assequeris, Paternae, Germanaeq; Virtutis excellentiam, Perillustres & Reverendissime Domine, ANTONI SZEMBEK, Canonice Cracoviensis, Vtriusq; Iuris Doctor: Quid de Te Lechicis Athenis in quarum olim Lyceis eximius eras Theopompus, quid Romanae Sapientiae, Coronatrici Tuae, dicere expediat? quàm quòd sanctiori luxu, absumptis Virtutum & scientiarum vnionibus, ingens Tui, publicis in Exedris, pretium comparaveris. Auscultavimus aurei oris Sua dam grandinantem gemmis, & irriguo depluentem facundiae obryzo: Accepimus, pondera Canonicae Civiliq; veritatis; audivimus, calentem publico zelo, contra abusiones se-

culi, contra animarum seductores, dirasq; Orthodoxæ integritatis Harpyas, contra icele-
ratos legum prævaricatores, ANTONIJ Spi-
ritum: Hæc tamen omnia modestiæ circino,
& columbina simplicitate, vsq; ad prodigium,
circumspecta spectamus.

Ad tantas Virtutum, certè non Platoni-
càs Ideas efformatus, prodis in apricum glo-
riæ, Perillustris, & Reverendissime Domine,
LVDOVICE SZEMBEK, Canonice Cra-
coviensis & Varmienfis, præcellens Ectypus
Canonicæ perfectionis, imò vitæ Sacerdota-
lis, omnigenaq; probitatis amuffis. Colle-
ctam sub vernaculo exoticoq; sole, diuturno
exercitio, artium ac scientiarum affluentiam,
non profanis seculi, sed sacris Ecclesiæ Patri-
æq; usibus, dicare decrevisti; ut sic partem
hereditatis Dominicæ, & inscrutabilis Pro-
videntiæ immutabilem sortem nactus, perfu-
dæ, lubricæ, ac ima fummis, permiscentis for-
tunæ vices, in Petra Vauellana LVDOVI-
CVS, eluisses. Applaudet suæ felicitati Per-
augustus Coronarum Ternio, cui Tergemi-
na SZEMBECIORVM ROSA, perenne
germinat decus & præsidium; Cui unum avul-
sum, & Præsulei honoris Tiaris insertum, præ-
tiosissimum vnionem, tres aliæ teretes, non

minoris æstimationis gemmæ, æquo jure compensant.

Neq; verò succensebis, non ex loco ætatis Tuæ dignitatisq; Te veneranti Suadæ, Illustrissime Domine JOANNES SZEMBEK Referendarie Regni, Becensis Gubernator; quippe, novit illa omnem locum virtuti sublimem esse, vt pote, quæ ipsa sibi Solium, ipsa Curulis est; imò novit ab ineunte ætate, grande judicij Tui senium, & in vere florentium annorum, feraciorem autumnum meritorum. Quàm prope serenissimis Regum Majestatibus assistere; quàm Illis cordi esse deberas; iam Apollo Iagellonicus, augurium depromebat: quia incredibili sedulitate, laudatissimâ, omnes planè disciplinâs ediscendi solertiâ, vultu verè masculino, gestu ad maiestatem composito, linguâ minimè procaci, sed eruditas duntaxat gnomas, quæ pondus animi, & ingenij sublime decus indicarent pronuntiante, eos quibus jam desuper cumularis, spirabas honores.

Hoc demum est, quod in Te suspexit & probavit omnium bonorum judicium; Te videlicet, quæsitam Germanicis, Gallicis, Italicis, peregrinationibus, rerum experientiam, virtutum ac scientiarum semina, in publicum

usum maturâsse. Hoc enim est ad utilitatē Re-
ipublicæ sapere, cum doctrina trāsfertur ad vi-
tam; nec sibi tantū ac otio, sed publicis ne-
gotijs applicatur. Panathenæa Palladis, non
Eleusia Cereris sacra sunt; in publica sapien-
tum facie celebrantur, Veneranda Tritoniæ
Heroidis maiestas, si tantū inter Atticas no-
ctes, obscura delitescat, & refuga lucis ma-
neat, informes & planè inutiles, bono publi-
co, fovebit Erichteos. Maçte animo Illustris-
sime Domine; Aprico natam indolem Tuam
summasq; ingenij dotes, tot oraculis, nedum
Patriæ commoda, sed etiam Divorum, potissi-
mū Augustissimæ Virginis DEIPARÆ, sine
labe originali conceptæ, in publica Orbis
Poloni facie, promoventes, iam à Serenissi-
mo & Invictissimo AUGUSTO II. nostro ho-
noris auspicio coronantur. Gravissimum Re-
ferendarij munus, supplicum libellorum exa-
men, grandium negotia causarum, iussa & re-
sponsa Majestatis, partitio publicæ sollicitu-
dinis, cui obsecro, à Principe Optimo, Ma-
ximo, consultiùs committenda erant, quàm
Tibi? quem infatigabilis conatus, assidua cura,
circumspecta prudentia, salutiferum consili-
um, boni publici amor, in communes necessi-
tates natum esse autumant.

Claudis Agmen Fraternali Ordinis Illustris & Magnifice Domine, FRANCISCE SZEMBEK, Capitaneæ Bochnensis. Verum aquilinus Genius Tuus, publicum ad Phoebum appricari fuetus, animus in meditatione magnorum operum seipso maior, pectus eruditum, congestâ multiformi in exteris sapientiâ, non vnum Tripodem, responsa dare paratum, circumferens; æstus ille amoris, pro Majestate Regis Regniq; jure obsequium, fortunas, sanguinem, & vitam litandi, novam Tibi Honorum portam referabunt.

Haftenus, in vestibulo Templi Honoris, Celsissimo Nomini Tuo dicati, obversari, Heroumq; Images non Apellis lineis, vel Zeuxis penicillô, sed Virtutis Magistræ, vivis coloribus, ad perpetuam immortalis famæ, recordationem expressas, non tam intueri, quàm ad excessum mentis mirari, licuit: Illustrissime & Reverendissime PRÆSUL; nunc in Domum Domini ire, nunc penetralia sacratissimæ Aedis; ad Te Pontificio in Solio visendum, ingredi, concessum est. Nempe Tu mihi SZEMBECIÆ Apex adoreæ, Tu Corona operis, & grande Argumentum. In Te Torrentes illi virtutum, meritorum, Avitorum decorum, & quicunq; maiores minoresve rivi

gloriæ reperiri possunt, plenis alveis, velut in Oceanum decurrunt. Cæterum vti subitâ luce circumfusi, in maxima videndi copia, propter excellens sensile, inopes videndi redduntur; ita mihi, inter tanta Virtutum Tuarum lumina, commorari volenti, caligare ingenio, necessum esset, nisi sub vmbra modestiæ Tuæ, aliquantum lucis, quâ Phœbi instar, Horizontem nostrum illustrâsti, vtcunq; contractâ palpebrâ haurire, licuisset.

Porro, magnorum consuetudine Oratorum, dum Purpuræ Tuæ splendores, à prima ætatis aurora speculari contendo; non auroram, sed Solem videre mihi videor: Nempe vt ille nescit per intervalla crescere, sed statim in ortu magnus est & lucidus; sic Tu ô PRÆSVL! in pueritia non puer, in adulescentia non adulescens, vtpote ante annos, gravis & constans, ac proinde Vir; derivationem à virtute, non ab ætate sortitus; ea pro ludohabuiisti; quæ alijs, nimis seria viderentur. Favisse multum naturæ, loci genium illi contendunt; qui se Athenis, non in Perside, Scythia, aut Hyrcania natos, gratulati sunt: at Tibi maior inde felicitas, qui lucem aspexisti in ea Domo, quam Illustrissimus Parens Tuus, in Palæstrâ virtutis formaverat. Videre erat inibi,

in penetralibus cāstītatē, in mensa sobriētatē, in victu frugalitatē, in vultu modestiam, in sermone parcitatem, in cultu moderationem, in omnibus exquisitam honestatis curam, & stupendam quandam in moribus harmoniam. In ea Domo Natus & educatus es; in qua quidquid Sybaritam olet, quidquid Adonidem sapit, quidquid pātenam Vitellij & antelucana convivium sūadet, severa animadversione prohibitum, ne dicam, proscriptum erat. Hāc Tu in Æde probitatis, iam sacerdotales, iam Pontificias virtutes, quarum seriem Os & Lingua DEI, Tarsense Vas Timotheo præscripsit didicisti.

Super tam stabili & solido, virtutum fundamento, Divinā Palladis Iagellonicæ arte, facile surrexit, Magnificum Sapientiæ Augustale; cuius omnē quidem, eamq; nobilissimam materiem, ministravit & disposuit Ille; qui hodie quoq;, sacros Divorum Tholos Cœlo tenus attollit; sed Tua sedulitas, & Heroicum in bono propositum, felicius consummavit. Collectis omnis politioris Atticis floribus, non ROSAS modo Tibi familiares, sed totum loquebaris Hymettum, quem in illa innocentissima pubertate, variegatis virtutum coloribus ornatum circumferebas. Philosophus

morum gravitate, in ipsa vitæ formâ, Demon-
strativum formabas argumentum. Prima ta-
men Tibi Sacræ Themidis cura; vt animum
ad subsellia Tribunalium & Curules, præpara-
res. Porro cùm vetus sit, eruditarum menti-
um honor, ad aulas Principum invitari, vt e-
xemplo & doctrinâ, in illo vitæ lubrico, er-
rantibus præsent & profint; eam & Tu, in Au-
la Serenissimi olim MICHAELIS Regis Po-
loniarum, quàm gloriôsè absolvisti Provinci-
am, compertum est ijs, qui breves in hoc Prin-
cipe optimo delitias, subitò Poloniæ ereptas,
adhuc deplorare non cessant. Romæ tandem
innotuisse debuerat, Tuæ Virtutis & Sapien-
tiæ celsitudo, vt quæ Triumphatores olim co-
ronavit, Te etiam qui dudum Tui ipsius Vi-
ctor gloriosus extitisti, viridi lauro insigni-
ret. Verùm ô quantis denuo, & quàm perti-
nacibus curis! quàm operoso conatu! ad mo-
tæ operibus iustitiæ manus! Obambulabas,
Romanas Curias, notabas Processum, confi-
gnabas stylum, auscultabas, summos & in pri-
mo cultu habitos Viros: quidquid arduum &
insigne, quidquid altiori crisi & indagine di-
gnum, circa Theosophiam & Canones, repe-
riri poterat, in Codicillos referebas.

Hæc arcano mentis in Sacratio, consignata
& depo-

& deposita, vtriusq; sapientiæ cimelia, hæc, tot laboribus & experiētijs limata, statûs Europei notitia, hæc, ex auscultatione magnorum Doctôrum, comparata eruditio; quantum plausum meruerint; Divinior Astræa, in Fastigio Orbis terrarû, præcelsum Doctôratûs Iuridici, Capiti Tuo non vnâ Pallade fæto, imponens Coronamentum, Testis esto. Tam magnifico virtutum & scientiarum, instructus apparatu, talē profectò in Patriam redux non ad apparentiam, sed re verâ, Doctôris, ac Sapientis Viri, gerebas vultum, qualem Cordubæ decus depingit Seneca: Nempe velut per nitidissimam crySTALLUM, radius, sic per cancellos, faciei, oculorum, gestuumq; Tuorum, omnium obtutus incurrebat, claritudo illa ignis Enthei, qui in Te augustis gratiæ & naturæ splendoribus, collucebat. Prodebat se, animus intuens vera, peritus fugiendorum ac petendorum, non ex opinione, sed ex natura, pretia rebus imponens, toti se inferens mundo, & in eius actus, contemplationem suam mittens cogitationibus actionibusq; intentus, ex æquo magnus ac vehemens, asperis blandisq; pariter invictus, neutri se fortunæ submittens, supra omnia quæ contingunt acciduntq; eminens, pulcherrimus cum decore,

eum viribus sanus ac siccus, imperturbatus,
intrepidus, quem nulla vis frangat, quem neq;
attollant fortuita, nec deprimant. Talis in Te
animi virtus, & verissima effigies, vbi sub
aspectum, magnorum in Regno Antistitum
venerit, confestim ad exemplum Cleri, &
ornamentum Ecclesiæ, in aprico sacri Hono-
ris, posita est.

Æternos fortiatur Fasces, SBASCIANA
FASCIA, quæ Te, ex amore tantarū vir-
tutum, primū Premissiensis Cathedralis Ca-
nonicatūs dignitate devinctum, Ecclesiæ de-
sponsavit. Fulgeat, perenni ævo inter augu-
stas, radiantis Poli imagines, & dulcissimum
Trisagij occinat melos, TRZEBICIANUS
Olor, qui Tibi Auspex & diviniſſor Oſcen, ad
præcellsum in Vavello, CORONARUM extitit
Ternionem. Ex hoc Sacro & Pingui monte
DEI, tanquam Fons oraculorum Iuris limpi-
dissimus, per vtriusq; subsellij Tribunalia ma-
nabas, eloquio dulci, iudicio altissimo, sitien-
tibus iustitiam, gratissimam animi refectionem
daturus: cuius illimes integritatis vndas,
novo prodigio, nullum immundum animal
ingredi, nullus tortuosus mille astutijs, frau-
dibusq; coluber contingere, nullum scelus,
etiam specioso argenti limo, vel aureis mune-

rum ramentis turbare, aut validioris instantiæ aggeribus, in cursu iustitiæ rapidissimo, detinere, vnquam potuit. Plurima Tuæ integritati & prudentiæ, in perplexioribus causis credita & commissa, tam opportunum remedium & finem, sortita sunt auspiciatum; vt nec ipse Iupiter in confessu Deorum matutino, exactius consulere, citius difficultatum nodos extricare, arcana evolvere, multiplicem negotiorum varietatem discernere valuisset. Et certè, tam excellenti virtuti; augustius debebatur, honoris amphitheatrum; in quo activitatis Tuæ amplitudinem, explicare posses, ô PRÆSVL! sed providit illud, gemma Pontificum, Ocellus Prælatorum, Gratiarū compendiū, vnicum Trium Monarcharum CASIMIRI, MICHAELIS, JOANNIS, delictum. JOANNES MALACHOVIVS, Episcopus Cracoviensis, Dux Severiæ; qui non tam sanguinis, quàm virtutis Sympathiâ, Tibi planè invisceratus, aureo FASCIÆ suæ vinculo, quo selectissimas animas, devincire solitus, imò sollicitus erat, Te etiam renitentem, ad partem Diocesanae sollicitudinis alligavit. Sic conglutinata anima DAVID, animæ sui JONATÆ dulcissimi, Pastoritiæ Curæ, etiam ipsis Atlantibus formidandam molem, vni-

to robore felicius portavit; cum Te Episcopum Dionisiensem, Suffraganeum, Vicarium in Spiritualibus, & Officialem Generalem Cracoviensem, ingenti animarum, ac totius Dioeceseos bono, creari curaverit. In hoc præcelso munere eminenti, quem iam alium Orbis Christianus, dare poterat iudicii calculum? nisi in Te rediviuos fieri, pientissimos, illius prisce ævi Pontifices, imò ipsius Divinissimi Tutelaris, invictum illum, & Seraphicis incendijs calentem Spiritum, feliciori metempsychosi in Te transmigrasse. Appage Vatis Divini querelas; non esse, qui frangat parvulis panem; cum Tu omnem opem, & opes, opulenta utriusque pabuli provisione, ne dicam, sanctiori quadam prodigalitate, in asperioris fortunæ mancipia, profuderis. Equidem hanc sublimem meritorum celsitudinem, coronaverat, etiam Abbatialis Claræ Tumbæ Honor, & geminata Infula; verum sublimius provehendū, Gloriæ Tuæ culmen, è Superum planè suffragio, existimavit, Serenissimus & Invictissimus, AUGUSTVS II. Te ad Vladislaviensem, quam iam auspicato passu conscendis, promovendo, Cathedram. Nec morari potuit tanti Principis vota fideiā suprema in Orbe Christiano Maiestas, verè sui nominis Pon-

tifex Opt: Max: INNOCENTIVS XII. cū
dudum, Tuas eximias virtutes, summis hono-
ribus, coronandas, optaverit. Verū quā
magna mihi portio, ingentium Tuorum ex-
cidit meritorum, ō PRÆSVL! sublimia Pon-
tificatūs Tui decora, quibus augustus incedis,
tantas pietati meæ, infuderunt cogitationes;
vt in Tuæ venerationis officio, præ summa
gaudiorum vbertate, attonitus hære, Teq;
sub ROSA, sed Tua, relinquere cogar. Vtinā
verò mihi tot ora, tot linguæ suppeterent!
quot renidente vere, exoriente Lucifero, *rosce-
da pestano gaudent ROSARIA vultu*; certè ditiores, in
Purpuram Tuam, eloquij sollicitarem venas,
nunc verò, magnitudine argumenti obrutus,
exilis ingenij, contraho Vela mei; & immen-
sitatem votorum, Laconicè claudio.

Conscende Magne PRÆSUL,
Roseo calle, Collem emeriti Honoris,
qui tot laborum, spinas calcâsti.

Pandit ostia, Tuis ornata Floribus Vladislaviensis Basilica;

Quia Tibi, non nisi apertis meritorum Ostijs ingredi, solenne est.

Imò Triumphalis Cæli Porta MARIA,
aperit alium Gratiarum sinum;

Pro Cujus honore, vnus ex Triarijs Heros, bella, bella gessisti.

Obuius Magnorum Prælatorum Senatus, victorē excipit,
quem tot benevolentia signis, devictum & devinctum effecisti.

N

Et cū

Et cū Sacris Heroibus Ara, Arena sit;
duplicis Cacuminis Galeā, Verticem cingente,
quasi geminā cuspide, obstinatum in nostra vota Cælum expugna.

Tibi, Tuisq;

Pastorale Pedum contra lupos Ovili infestos vibra;

Imò hac Clavā Triumphali, Sacer Alcides,
monstra bæreseon compesce.

Gemmâ, aureo inserta Circulo,

ut Sacro, contra fascinum, invidiæ, utere amuleto.

Pretiosum Pectoris munimen Crucem,

Fugiant partes adverse.

Demum, Sacrarum Vestium, amplâ synthesi ornatus,
altiores Tiaras, & Vaticanas Purpuras præstolando,

Vive Immortalis:

Quod Tibi, Polonia, Cujavia, & Tua semper

Vniversitas Cracoviensis,

Votis fidelibus comprecantur.



Biblioteka Jagiellońska



sidr0012944

